

· INUIT ATAQATIGIIT

INATSISARTUNI



Nuuk 18.januar 2024

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Savalimmiuni efterskolerniaruma tapiiffigineqarsinnaavunga?**
 - A. Aappiuppat, taava efterskolit sorliit tapiiffigineqarsinnaappat?**
 - B. Naamiuppat, taava sooq Savalimmiuni efterskolerniaruma tapiiffigineqarsinnaangilanga?**
- 2. Naalakkersuisut Savalimmiuni efterskolerusuttunut tapiissuteqartalernissamik suliniuteqarniarpat?**
 - A. Naamiuppat sooq?**
 - B. Aappiuppat taava tapiiffigineqarsinnaalernissaq qaqugu atuutilissava?**
- 3. Tassunga tunngasumik allamik naalakkersuisut oqaasissaqarpat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Paasitinneqarnera tunngavigalugu apeqquteqaat manna suliarivara. Paasitinneqarpunga ajorluartumik nunaqqatinnguatta ilaat Savalimmiuni efterskolerusukkaluarlutik tapiiffigineqarsinnaangitsut.

Assersuutigalugu imarsiornermut tunngasumik sammisaqarfiusinnaasoq Føroya Eftirskúli – Sjógøta 2 – 800 Tvøroyri Føroyar nunaqqatinnguatta ilaata efterskolerfiginiaraluarlugu ajorluartumik tapiiffigineqarsinnaangilaq.

Imarsiornermik inuussutissarsiortuuvugut, inuusuttortagullu imarsiornermik soqutisaqartut tapersorsornerusariaqarpagut. Naak pineqartoq efterkolerne.dk-miikkaluartoq taamaattoq tapiiffigineqarsinnaasimangilaq.

Uggornarpoq ajuusaarnarporlu, naak kunneqarfiup tamatta ataaniikkaluarluta.

Neriuppunga Naalakkersuisut piaartumik tamanna aaqqiivigisinnaagaat.

Taamaattumik taamatut tunngavilersuuteqarlunga matumuuna apeqquteqaatikka ingerlateqqippakka.

Kissaatigaaralu apeqquteqaatima ullut qulit qaanngiutinnagit akineqarnissaa.